



Inatsisartunut ilaasortaq
Jens NapätôK
Maani/

Pisassiissutit pillugit § 37 naapertorlugu apeqqummut nr. 039-2024-mut akissut

Dato: 22-02-2024
Sagsnummer: 2024 - 3801
Akt nr.: 23850384

Pisassiissutit IOK-lu pillugit Inatsisartut suleriaasianni § 37, 1 naapertorlugu Naalakkersuisunut apeqquteqarputit. Apeqqut suliaqarfinit akineqartussanngor-tinneqarpoq.

Postboks 269

3900 Nuuk

Tlf. (+299) 34 50 00

Fax (+299) 34 63 55

E-mail: apn@nanoq.gl

www.naalakkersuisut.gl

Apeqqut 1: Pisassiivimmi Upernavimmi qassit PNNK (IOK) malillugu pisassinneqassagaluarpak biologit pisassanik siunnersuutaat qalerallit 6.070 tonsit aallaavigalugit, aalisartut qassit PNNK-nik (IOKnik) iluaquserneqassagaluarpak?

a. Umiatsiaararsortut angallataatitsillu qassit iluaquserneqarlutillu pisassinneqassagaluarpak?

1 pillugu) Sumiiffimmi 47-mi umiatsiaaqqat IOK-mut ikaarsaariarnissaat aalisarneq pillugu inatsiissatut nutaami siunnersuutigineqarpoq; Upernavimi, Uummannami aamma Qeqertarsuup Tunua nammineq piumassuseq tunngaviussaaq. Sumiiffik 47-mi tamarmi umiatsiaararsorlutik aalisartut ullumikkut 1113-iupput angallatillu 177-it IOK atulereerlugu. Aqutsiveqarfik 47 sumiiffittut ataatsitut aquneqarpoq, taamaammallu tassani aalisarsinnaanermut akuersissutillit sumiiffimmi tamarmi aalisarsinnaapput.

Umiatsiaaqqat qanoq amerlatigisut IOK-mut ikaarsaassanersut missingerneqarsinnaanngilaq, ilimagineqarporlu umiatsiaaqqat ilaat ukiut arlallit ingerlaneranni ikaarsaassasut. Ikaarsaariarneq aalisartut ataasiakkaat aalisartup pisassiissutinit pigisaanit ukiuni tallimani kingullerni ukiut pisaqarluarnerpaaffiusut pingasut tunngavigalugit Aalisarnermut Piniarnermullu Naalakkersuisoqarfimmut qinnuteqarnikkut pisassaaq.

Taamaammat umiatsiaararsorlutik aalisartut 1113-it tamarmik IOK-mut nuunnissamut qinnuteqarnissaat naatsorsuutigalugu umiatsiaararsorlutik aalisartut qanoq amerlatigisut IOK-mik atuilernissaannik missingiinermi umiatsiaararsorlutik aalisartut tamarmik ukiuni kingullerni tallimani ukiuni pingasuni pisaqarluarnerpaaffigisaannik naatsorsuinissaq pisariaqassaaq. Sapaatit akunnerpassuini naatsorsuinissaq pisariaqassammat tamanna piffissap akissuteqarfissatut piumasaqaataasup iluani pisinnaanngilaq – nalorninartorujussuarmillu inerneqassalluni, tassa qanoq amerlatigisut IOK-mut nuunnissamut kissaateqassanersut ilisimaneqarsinnaanngimmat. Aamma IOK-mut nuunnermi umiatsiaararsorlutik aalisartut qanoq amerlatigisut angallatit atorlugit aalisartunik peqateqarnissamik kissaateqassanersut qularnaatsumik ilisimaneqarsinnaanngilaq. Tamanna naatsorsuinernut pingaaruteqassaaq.

Tamassuma sanitigut ilimagineqarpoq TAC ukiut arlallit ingerlaneranni naleqqussarneqassasoq. Tamannali qanoq isikkoqassanersoq sulii nalorniarpoq. Suleqatigiissitaliaq aalisartut kattuffiisa sinniisuunik ilaasortaqqartoq sinerissap qanittuani qalerallinnik aqutsinermik maannakkut pilersaaruserpoq ilaatigullu TAC-mik aalajangiisarneq suliarat.

Apeqquut 2: Pisassiivimmi Uummannami qassit PNNK (IOK) malillugu pisassinneqassagaluarpat biologit pisassanik siunnersuutaat qalerallit 5.153 tonsit aallaavigalugit, aalisartut qassit PNNK-nik (IOKnik) iluaquserneqassagaluarpat?

a. Umiatsiaararsortut angallataatitsillu qassit iluaquserneqarlutillu pisassinneqassagaluarpat?

2 pillugu) Apeqquummut 1-imut akissut takujuk.

Apeqquut 3: Pisassiivimmi Diskobugtimi qassit PNNK (IOK) malillugu pisassinneqassagaluarpat biologit

pisassanik siunnersuutaat qalerallit 5.225 tonsit aallaavigalugit, aalisartut qassit PNNK-nik (IOKnik) iluaquserneqassagaluarpat?

a. Umiatsiaararsortut angallataatitsillu qassit iluaquserneqarlutillu pisassinneqassagaluarpat?

3 pillugu) Apeqquummut 1-imut akissut takuuk.

Apeqquut 4: Naalackersuisut aalisarnermut inatsit malillugu agguariaatsit nutaat siunissami atuutilerpata agguariusinnaasunik allanik takorluugaqarpat imalluunniit siunnersuutissaqarpat?

Ullumikkut umiatsiaararsorlutik aalisartut IOK-mut ikaarsaariareernerminni angallammik siunissami pisinissamik kissaateqassanersut siumut oqaatiginissaa ajornakusoorpoq.

Apeqquut 5: Pisassat annerpaamik 2,5%-imik qilaalerneqarpata, umiatsiaararsortut angallataatillillu ajornerpaamik ikinnerpaaffinniilernissaat missingersorneqarnikuulluni aalisartut qassit PNNK-mik (IOK) tunineqarnissaat naatsorsuutaava?

Umiatsiaararsorlutik aalisartut tamarmik IOK-mut nuunnissamik kissaateqassasut ilimagineqanngilaq. Taamaammatt pinnaassillutik aalisaannassapput. Taamaalilluni sumiiffik 47-mi sinerissap qanittuani qalerallinniarnermi immikkoortut marluussapput: IOK aamma pinnaassilluni aalisarneq.

Pisassiissutit qaffasinnerpaaffissaat sumiiffik 47-mi angallatinut ullumikkut TAC-p affaata missaa 5%-ia tunngavigalugu aalajangerneqarpoq. Umiatsiaaqqat IOK-mut nuuppata taamaalilluni IOK-mi immikkoortumut TAC qaffasinnerulissaaq taamaammallu pisassiissutit qaffasinnerpaaffissaat apparneqassalluni. Angallatinik piginnittut arlaannaalluunniit pisassiissutiminnik tamanna tunngavigalugu tunisisariaqassanngillat.

Inussiarnersumik inuulluaqqusillunga

A handwritten signature in black ink, appearing to be 'Kim Kielsen', written in a cursive style.

Kim Kielsen

Aalisarnermut Piniarnermullu Naalakkersuisoq